

Zaključuje se dana 05.11.2018. godine, u Sarajevu

U G O V O R
o izvođenju radova uređenja adaptacije zgrade poslovnice na području
Spomenika prirode „Vrelo Bosne“

i z m e đ u

1. **KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva 28, 71 000 Sarajevo, Identifikacioni broj 4201424050008, PDV broj 201424050008, a koju zastupa i predstavlja direktor mr. sci. Osman Delić, kao Naručioc radova sa jedne strane i
2. **INTERMING d.o.o. Sarajevo**, sa sjedištem u ulici Ferde Hauptmana broj 7, 71 000 Sarajevo, ID broj 4201112590005, PDV broj 201112590005, bankovni račun broj 3389002201804174 otvoren kod UniCredit banke, kojeg zastupa direktor Izet Bajramović (u daljem tekstu: Izvođač radova)

I-PREDMET UGOVORA

Član 1.

Predmet ovog ugovora je izvođenje radova adaptacije zgrade poslovnice na području Spomenika prirode „Vrelo Bosne“ a koji obuhvataju sljedeće: građevinske radove na sanaciji krova, a sve prema priloženom predmjeru i predračunu radova koji je sastavni dio Ugovora.

II-CIJENA

Član 2.

Cijena izvedenih radova utvrđuje se u nepromjenjivom fiksnom iznosu od

bez PDV-a 22.885,40 KM

PDV 17% 3.579,28 KM

Popust: 1.830,00KM

Ukupna cijena sa PDV-om i popustom 24.633,85

(slovima:dvadesetčetirihiljadešeststotinatridesetri i 85/100)

U cijenu radova su uračunati materijal, radna snaga, mehanizacija, carine, takse i ostale dažbine.

Nakon provedene procedure javne nabavke putem konkurentskog postupka, Naručioc radova je prihvatio ponudu ponuđača broj: 89/18 od 22.10.2018. godine i Odlukom o izboru ponuđača dodjelio mu predmetni ugovora

III-OBAVEZE NARUČIOCA RADOVA

Član 3.

Naručilac radova se obavezuje da će:

1. Izvođača radova uvesti u posao i
2. Izvršiti plaćanje ugovorene cijene na način i uslovima kako je to predviđeno tenderskom dokumentacijom.

Član 4.

Plaćanje će se izvršiti na račun Izvođača broj 3389002201804174 otvoren kod UniCredit banke u roku od 60 dana od dostavljanja okončane situacije i prijema izvršenih radova od stručnog nadzora te ispostavljanja konačne faktura/računa.

Nije predviđeno avansno plaćanje.

IV – OBAVEZE IZVOĐAČA RADOVA

Član 5.

Izvođač radova u svrhu izvršenja zaključenog ugovora nema pravo zaposliti lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je Komisija za nabavke angažovala, najmanje 6 (šest) mjeseci po zaključivanju ugovora, odnosno od početka realizacije ugovora.

Član 6.

Izvođač radova se obavezuje da će:

- 1) okončati radove u roku od 30 kalendarskih dana od uvođenja u izvođača radova u posao;
- 2) započeti radove u roku od 5 kalendarskih dana uvođenja izvođača u posao u skladu sa uslovima datim u tenderskoj dokumentaciji i pravilima struke;
- 3) ukoliko se bude ukazala potreba za angažovnjem podizvođača radova Izvođač radova će istog angažovati nakon prethodne saglasnosti Naručioca radova;
- 4) sve radove izvesti u skladu sa pozitivnim zakonskim propisima, uzansama i pravilima struke;
- 5) obezbijediti garancije na Izvedene radove u roku od 2 (dvije) godine;
- 6) dostaviti Listu materijala za pozicije koje će se ugrađivati;
- 7) poduzeti sve neophodne mjere u svrhu zaštite okoline i degradirane zelene površine oko predmetne lokacije nakon završenih radova ekološki rekultivisati odnosno prostor vratiti u prvobitno stanje
- 8) pridržavati se mjera zaštite na radu i zaštite od požara.

V-UGOVORENA KAZNA

Član 7.

Ako Izvođač radova ne izvrši radove u ugovorenom roku, dužan je platiti ugovornu kaznu u iznosu od **0,2% (dva odsto)** računajući od vrijednosti konkretnih radova za svaki dan prekoračenja ugovorenog roka. Ukupan iznos ugovorne kazne ne može preći iznos od **5% (pet odsto)** vrijednosti konkretnih radova.

Izvođač radova je dužan platiti ugovorenu kaznu u roku od **7 (sedam) dana** od dana prijema zahtjeva za plaćanje od ugovornog organa.

Ukoliko Izvođač radova ne plati ugovorenu kaznu u roku od 7 (sedam) dana, Naručioc radova ima pravo raskinuti ugovoreni odnos, a na osnovu prethodne pismene obavijesti i tražiti naknadu štete.

Izvođač radova neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog događaja van kontrole ugovorenih organa.

VI- OSTALE ODREDBE

Član 8.

Sastavni dio ovog ugovora čine:

- a) Odluka o izboru ponuđača
- b) Predmjer i predračun radova;

Član 9.

Svaka ugovorna strana može pismenim putem otkazati Ugovor ukoliko druga ugovorna strana ne izvršava ugovorene obaveze.

Član 10.

Za sva pitanja koja nisu regulisana ovim ugovorom, regulisat će se odredbama Zakona o obligacionim odnosima i Zakona o građenju.

Član 11.

Sve eventualne sporove ugovorne strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 12.

Ovaj ugovor stupa na snagu danom potpisivanja od strane ugovorenih strana.

Član 13.

Ovaj ugovor je sačinjen u 4 (četiri) istovjetna i originalna primjeraka od kojih ugovorni organ radova zadržava 2 (dva) , dok se 2 (dva) primjerka uručuju Izvođaču radova.

IZVOĐAČ RADOVA
INTERMING d.o.o. Sarajevo

Direktor

Izet Bajramović



UGOVORNI ORGAN

**Kantonalna javna ustanova za zaštićena
prirodna područja**

Direktor

mr. sci. Osman Delić



Broj: 89-1 /18

U Sarajevu, 05.11.2018. godine

Broj: 07-2-194-10/18

U Sarajevu 05.11.2018. godine